

Ny Baiboly ho an'ny ankizy
dia manolotra



Tonga nihaona
tamin'i Jesoa ny
lehiben'ny
tempoly iray



Nosoratan'i: Edward Hughes

Sarin'i: Byron Unger; Lazarus

Nampifanarahin'i: M. Maillot; Sarah S.

Alastair Paterson


Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Amborovy
Mahajanga Madagascar

Novokarin'i: Bible for Children
www.M1914.org

©2020 Bible for Children, Inc.
Azo atao ny fandikana na fakana ity tantara ity
nefa tsy ho amin'ny fitadiavam-bola.




Nankany amin'ny tempoly i Jesoa indray andro, dia nahita olona nanimbazimba ny tranon'Andriamanitra. Nivarotra biby sy nanakalo vola tao anatin'ny tempoly izy ireo.



Nanamboatra fikapohana tamin'ny tady i Jesoa ka nandroaka ireo mpivarotra hivoaka ny tempoly. "Esorinareo daholo ireo!" hoy Izy. "Aza ataonareo fivarotana ny tranon'ny Raiko." Tena tian'i Jesoa mantsy ny tranon'ny Rainy.





Ireo lehiben'ny tempoly dia nangataka famantarana maneho fa manana fahefana hanadio ny tempoly tokoa i Jesoa. "Ravao ity tempoly ity fa hatsangako afaka telo andro." hoy Jesoa Enina amby efa-polo taona no nanorenana ity tempoly ity ka ahoana no hahavitany izany?



Nanambara ny amin'ny tenany i Jesoa. Fonenan'Andriamanitra ny tenany sahala amin'ny tempoly. Na dia ho faty eo amin'ny hazofijaliana aza i Jesoa dia efa fantany fa hatsangan'Andriamanitra ho velona Izy afaka telo andro.





Indray alina,
tonga namangy an'i
Jesoa ny lehiben'ny
Tempoly iray. Noho
ireo fahagagana
vitany dia fantany
fa i Jesoa dia
irak'Andriamanitra.
Tonga nanatona an'i
Jesoa i Nikodemosy
fa te hahalala
bebe kokoa ny
amin'Andriamanitra
izy.





Nambaran'i
Jesoa an'i
Nikodemosy
fa tsy maintsy
hateraka indray ny
olona vao afaka mahita ny
Fanjakan'Andriamanitra.





Tsy azon'i
Nikodemosy
izay tian'i Jesoa
hambara. Ahoana
no hiverenana
indray ho zaza
rehefa lehibe
ny olona? Sady
izy anie anie ka
mpivavaka e! Tsy
efa ampy ve izay?





Nazavain'i Jesoa
tamin'i Nikodemosy
fa: "Izay nateraky
ny fanahy dia
fanahy. Sahala
amin'ny fitsokan'ny
rivotra ny fiasan'ny
Fanahin'Andriamani
tra. Tsy hitan'ny
olona ary tsy
fantany izay
fiavian'ny rivotra.
Ny vokatry ny
asany ihany no
hitany."






Nampahatsiahivin'i Jesoa an'i
Nikodemosy ny amin'ireo zanak'Israely
izay nimonomonona tamin'i Mosesy taloha elabe
tany. "Tsy manan-kanina izahay, tsy misy rano
ary leon'ity mofo omen'Andriamanitra anay
ity" hoy ny tabataban'izy ireo.



Nahatezitra
an' ANDRIAMANITRA ny
fahotan'ny olona. Nandefa menarana
misy poizina Izy. Nanaikitra ny olona ireo
menarana ireo ka maro no maty tamin'izy ireo.



Dia nitaraina ny olona
hoe: "Efa nanota izahay.

Mangataha amin' ANDRIAMANITRA
mba hanesorany ireto menarana
ireto." Nangataka ho an'ny
olona i Mosesy saingy tsy
nesorin' ANDRIAMANITRA
ny menarana.



Nasain' ANDRIAMANITRA
nanamboatra menarana
varahina i Mosesy
ary nanantona izany
tamin'ny hazo lava.




Nampanantena
ANDRIAMANITRA hoe:
"Izay rehetra voakaikitra ka
mijery ilay menarana varahina
dia tsy ho faty." Dia nataon'i
Mosesy izany ka izay rehetra
nijery ilay menarana varahina
dia sitrana tokoa.





Nambaran'i Jesoa
tamin'i Nikodemosy fa ny
Zanak'ANDRIAMANITRA
dia tsy maintsy
hasandratra
tahaka ilay
menarana
varahina.





Ny hazo fijaliana
izay hanolorany ny
ainy ho an'ny
mpanota no
tiany hambara
amin'izany.





Hoy Jesoa: "Toy izao no
nitiavan' ANDRIAMANITRA
izao tontolo izao: nomeny
ny Zanani-lahy tokana,
mba tsy ho very izay
rehetra mino Azy
fa hanana fiainana
mandrakizay".






Ny dikan'izany dia hoe:
izay rehetra mino an'i
Jesoa dia teraka ho ao
amin'ny ankohonanan'
ANDRIAMANITRA.



Angamba tsy tonga dia lasa mpianatr'i Jesoa
i Nikodemosy iny alina iny, saingy taona
vitsy taty aoriana, nasehony
fa tia sy nino an'i Jesoa
izy. Nanampy nandevina ny
Zanak' ANDRIAMANITRA
voahombo tamin'ny
hazo fijaliana
izy.



Taorian'io fihaonana io dia lasa
nianavaratra i Jesoa sy ny mpianany.



Mbola misy olona hafa koa tokony handre ny momba ny fanjakan' ANDRIAMANITRA any, mba hahafahany mino an'i Jesoa avy any Nazareta, Ilay Zanak' ANDRIAMANITRA.



Tonga nihaona tamin'i Jesoa ny
lehiben'ny tempoly iray

Tantaran'ny Tenin'Andriamanitra, ny Baiboly,

Tao amin'ny bokin'ny

Jaona 2-3, Nomeria 21

"Ny fanambaràn'ny teninao dia manazava."
Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!
Jaona 3.16

